

PRONI mjesečni bilten

JUN 2010. godine



SADRŽAJ

- Trening OKORUZ na Kosovu P.1
- Sastanak NVO u Bijeljini P.2
- Sastanak Ombudsmena sa NVO sektorom P.3
- Razvoj zajednica ugroženih minama P.4
- Nešto više o PRONI-u P.5

Trening OKORUZ u Prištini!!!

Prvog i drugog juna 2010. godine u Prištini je održan trening pod nazivom "OKORUZ" - osiguranje kvalitete omladinskog rada u zajednici, u organizaciji Forum SYD Kosovo.

Na treningu je prezentovan dokument OKORUZ koji PRONI Brčko sprovodi već tri godine u omladinskim klubovima na području Brčko distrikta, te se pokazalo da je ovaj način revizije, jako dobar način da se poprave i poboljšaju uslovi i kvalitet rada sa mladima.

Treningu je pored organizatora Forum SYD Priština, prisustvovalo sedam partnerskih organizacija sa područja Kosova, te predstavnici ministarstva za sport i kulturu Vlade Kosova, ukupno 18 omladinskih radnika i menadžera.

Trening je trajao dva dana, zaključci treninga su: Forum SYD Kosovo i prisutne omladinske organizacije će, uz malu doradu, prvo primijeniti OKORUZ u svojim organizacijama, a nakon toga raditi na predavljanju dokumenta ostalim NVO organizacijama i omladinskim klubovima.

Trening su vodili treneri PRONI Centra za omladinski razvoj Brčko distrikta BiH Jasmin Jašarević i Senada Sušić.

Najava događaja!!!

- * Na samom početku jula mjeseca 2010. godine PRONI Brčko će ugostiti grupu mladih sa Kipra, koji će provesti 10 dana u Bosni i Hercegovini. Kiprani će pored Brčkog posjetiti nekoliko NVO-a u Sarajevu, Zenici i Doboju. Za vrijeme njihovog boravka u BiH društvo će im praviti volonteri PRONI-a.
- * Treću godinu za redom treneri PRONI-a su angažovani da rade radionice na CIVITAS kampu. Ovo je deveti CIVITAS kamp po redu koji se održava u Brčkom i okuplja mlade širom BiH, pobjednike projekta "JA GRAĐANIN".



Sastanak omladinskih organizacija u Bijeljini!!!

I tokom mjeseca juna nastavljena je praksa redovnog organizovanja sastanaka omladinskih NVO u Bijeljini. Na ovom sastanku, koji je održan u prostorijama kancelarije PRONI-a, prisustvovalo je 9 predstavnika omladinskih NVO od ukupnih 11 i diskutovali su o posjeti i razgovoru predstavnika NVO sa gospodinom Bašićem, Načelnik odjeljenja za društvene djelatnosti i gospodinom Đokićem, Šef odjela za sport i mlade. Sa njima se razgovaralo o smještaju bijeljanskih omladinskih organizacija u prostor koji postoji u centru grada. Glavni zaključak vezano za ovu temu, na ovom sastanku, je da omladinske organizacije trebaju prvo da pogledaju taj prostor i vide u kakvom se stanju nalazi, koliko novca treba uložiti da bi prostor bio za upotrebu i uopšte koliko taj prostor može zadovoljiti potrebe rada većeg broja omladinskih organizacija u Bijeljini. Predstavnici OC Bijeljina su dobili zadatak da kontaktiraju g. Đokića i dogovore vrijeme obilaska navedenih prostorija. Predstavnici organizacija su razgovarali i o potrebama prostora i opreme za njihov rad.

Omladinske organizacije su došle do još jednog zaključka a to je da njihova međusobna komunikacija nije na zavidnom nivou i da trebaju raditi više na tome da se to stanje popravi. Prvi koraci ka poboljšanju te komunikacije su uspostavljeni već na ovom sastanku.

PRONI volonteri iz Bijeljine ravnopravni partneri u organizaciji Druge Konferencije Mladih BiH!!!

PRONI volonteri iz Bijeljine, postali su ravnopravni partneri organizaciji Benevolentia – Tim za razvoj liderstva mladih u organizovanju Druge Konferencije Mladih Bosne i Hercegovine u Banjoj Luci. Prošle godine su bili učesnici Prve konferencije mladih BiH i njihov projekat je osvojio prvo mjesto. Uskoro će potpisati memorandum o partnerstvu.

Volonteri PRONI-a koji su imenovani za saradnju na ovom projektu su: Mladen Mijić, Koordinator regionalne kancelarije Bijeljina, Bojana Hadži-Stević, Gorana Planinčić, Ivana Marković, Borjana Planinčić i Vanja Marković, Članovi tima regionalne kancelarije Bijeljina.

Druga Konferencija Mladih BiH će se održati od 26.-30. jula 2010 godine u Banjoj Luci. Učesnicima će biti obezbeđeni smještaj, hrana i osveženje za vreme trajanja Konferencije, kao i lokalni prevoz na radionice i ostala dešavanja.

Roka za slanje aplikacije je 12. jul 2010. godine.

Svi zainteresovani mladi iz BiH mogu se informisati ili prijaviti i popuniti online aplikaciju na: www.kmbih.info.



Saradnja Ombudsmana BiH sa nevladinim sektorom!!!

U organizaciji Institucije ombudsmana za ljudska prava BiH, uz podršku Kancelarije za demokratske institucije i ljudska prava (ODIHR) i Misije OSCE-a u Bosni i Hercegovini, 11. juna 2010. godine u Banjoj Luci održan je okrugli sto na temu „Razvoj konsultativnog mehanizma između Ombudsmana Bosne i Hercegovine i građanskog društva“.

Ombudsmani BiH, Jasminka Džumhur i Ljubomir Sandić istakli su da je jedan od prioriteta Institucije jačanje odnosa i dijaloga sa građanskim društvom, te ukazali na potrebu za češćim održavanjem sastanaka sa nevladinim organizacijama radi efikasnije zaštite ljudskih prava, ali i značajan napredak postignut u saradnji sa nevladinim sektorom, pogotovo u oblasti diskriminacije i zaštite prava djeteta.

Predstavnici misije OSCE-a u BiH Andrea Cellino i Fermin Kordoba ukazali su na važnost saradnje Institucije ombudsmana, OSCE-a i NVO-a s ciljem razvijanja konsultativnog mehanizma između Ombudsmana BiH i građanskog društva i uspostave prikladnog modela za saradnju u budućnosti.

Liana Adler iz ODIHR-a u prezentaciji na temu „Pregled sadašnje prakse u saradnji između nacionalnih institucija za zaštitu

ljudskih prava i predstavnika građanskog društva u regionu OSCE-a“ istakla je obostrane prednosti saradnje Institucije ombudsmana i građanskog društva. Ona je navela moguće oblike saradnje kao što su zajednički događaji, konferencije, radionice, seminari, okrugli stolovi i zajedničke publikacije, kao i oblasti saradnje: prava ugroženih grupa, socijalna, ekonomska i kulturna prava, nediskriminacija i edukacija u oblasti ljudskih prava.

Nakon uvodnih izlaganja, pristupilo se radu u radnim grupama koje su dobile zadatak da definišu oblasti i modele potencijalne saradnje nevladinih organizacija i Ombudsmana BiH. Zaključeno je da su rezultati iz radnih grupa polazna osnova za saradnju, te da će se objediniti materijali iz svih radnih grupa s okruglih stolova održanih u Sarajevu i Banjoj Luci, što će predstavljati polazni osnov za saradnju između nevladinih organizacija.

Pored predstavnika Institucije ombudsmana BiH, okruglom stolu u Banjoj Luci prisustvovali su predstavnici udruženja PRONI Centar za omladinski razvoj Brčko distrikt BiH „Zdravo da ste“, Omladinskog centra iz Bijeljine, Biroa za ljudska prava iz Tuzle, Saveza nacionalnih manjina Republike Srpske, Centra za pravnu pomoć ženama iz Zenice, Helsinškog parlamenta građana, Udruženja žena iz Dervente, i brojnih drugih nevladinih organizacija. Tatjana Ristić je predstavljala PRONI na ovom okruglom stolu.

Put BiH je u jednom smjeru!!!

U Bijeljini je 09.06.2010. godine organizovana javna debata pod nazivom PUT BOSNE I HERCEGOVINE JE U JEDNOM SMJERU: Izgradnja prosperitetnog demokratskog društva u srcu Evrope.

Ovo je jedna od niza EUSR debata koje se organizuju u deset bosansko-hercegovačkih gradova u organizaciji NVO VESTA iz Tuzle i kancelarija Specijalnog predstavnika Evropske unije (EUSR).

Debati je prisustvovao Specijalni predstavnik Evropske unije Nj.E. Valentin Inzko, ambasador Holandije u BiH Nj.E. Sweder van Voorst, opštinski zvaničnici, privrednici, članovi akademske zajednice, društveni djelatnici, mladi aktivisti, predstavnici nevladinog sektora i drugi istaknuti pojedinci i građani iz Bijeljine i okolnih opština. Tatjana Ristić, omladinska radnica, i Vanja Marković, volonterka, su predstavljale PRONI Centar za omladinski razvoj na ovoj debati. Centralna tema diskusije je proces približavanja Bosne i Hercegovine Evropskoj uniji i to o ekonomskim pitanjima o poljoprivredni razvoj i obrazovanju.

“Razvoj zajednica ugroženih minama”



Jednodnevna konferencija pod nazivom “Razvoj zajednica ugroženih minama i izazovi civilnog društva 2009 - 2019” održana je 8. juna 2010. godine u hotelu Sarajevo, u Sarajevu.

Konferenciju je organizovala Koalicija za povezivanje protuminske akcije sa razvojem, koju čine organizacije Norveška narodna pomoć, Fondacija Mozaik, Inicijative preživjelih od mina, STOP Mines, MDP Inicijative i Handicap International. Konferencija je organizovana u okviru projekta Podrška socijalnom uključivanju stanovništva ugroženog

minama – Razvoj i protuminske aktivnosti kojeg implementira Handicap International u Stocu i Berkovićima. Na konferenciji je prisustvovala Bojana Sekulić, menadžer za PR i obrazovanje u PRONI Centru za omladinski razvoj.

Diskusije su se vodile kroz tri panela:
Panel 1: Karika koja nedostaje u sadašnjem modelu za postavljanje prioriteta u BiH
Facilitatori: Darvin Lisica, Norveška narodna pomoć i Snežana Mišić Mihajlović, MDP Inicijativa
Panel 2: Izazovi u finansiranju razvojnih aktivnosti u zajednicama ugroženim minama
Facilitatori: Radosav Živković, STOP Mines i Emmanuel Sauvage, Handicap International
Panel 3: Participativni lokalni razvoj stanovništva ugroženog minama
Facilitatori: Almedina Musić, Handicap International, Vesna B. Agić, Fondacija Mozaik i Amira Kavgić, Inicijative preživjelih od mina

Seminar za organizacije civilnog sektora!!!

U Sarajevu od 22.06 – 24.06.2010 godine počeo je prvi seminar i radionica koje se organizuju u okviru projekta CIDI (izrada kapaciteta civilnog društva za učešće u civilnom dijalogu u Bosni i Hercegovini).

Mreža omladinskih nevladinih organizacija Brčko distrikta BiH – MONO je dio programa Cidi koji predstavljaju:

- PRONI Centar za omladinski razvoj, Omladinski centar Vermont, Omladinska organizacija Svitac, ZVRK, Srpski omladinski savez kao i Savez studenata Ekonomskog fakulteta Brčko.

U toku prvog programa izvršen je i odabir predstavnika mreža OCD (organizacija civilnog društva) u upravni odbor projekta CIDI. Uloga upravnog odbora Cidi jeste pružanje strateških smjernica projektnog tima, te davanje preporuka za uspješno i efikasno provođenje projekta tokom njegove implementacije u skladu sa izvještajima o projektu u fazi odobrenoj od strane Delegacije Evropske unije u BiH.

Ispred mreže izabrani su Predsjednik udruženja slijepih i slabovidnih lica Republike Srpske Gospodin Branko Susić i Predsjednik gluhih i nagluhih lica Bosne i Hercegovine Gospodin Nebojša Varva. Ostali članovi upravnog odbora su: osoba ispred Vijeća ministarstva BiH, osoba ispred Vlade Republike Srpske, osoba ispred Vlade Brčko distrikta BiH, osoba ispred Federacije Bosne i Hercegovine, osoba ispred Delegacije Evropske unije u BiH kao i osoba ispred firme koja vodi konzorcij projekta.

Aktivnosti koje očekuju članove i predstavnike Mreža su:

- Plan akcije po mrežama za period do Juna 2011. godine,
- Sudjelovanje u procesu razvoja politike
- Istraživanje u procesu razvoja politike,
- Zagovaranje u procesu razvoja politike,
- Monitoring u procesu razvoja politike.



Nešto više o PRONI-u

Omladinski rad

PRONI je do danas implementirao oko 300 manjih omladinskih i volonterskih projekata koji su uključili više od 4000 mladih. Od 1999. godine PRONI organizuje različite projekte na otvorenom: festivali, koncerti, turniri, kampovi, itd. Od 2002. godine PRONI je otvorio 4 omladinska kluba u: Brčkom, Maoči, Potočarima i Bijeloj, što se kasnije proširilo na 27 omladinskih klubova u mjesnim zajednicama Brčko distrikta.

Volonterizam

PRONI realizuje volonterske programe koji daju mogućnost mladima da učestvuju na volonterskim treninzima i da implementiraju svoje projekte u Brčkom i Bijeljini. Do sada je PRONI obučio oko 150 volontera koji su implementirali oko 70 različitih projekata za mlade i djecu. PRONI takođe prihvata lokalne i međunarodne volontere koji imaju iskustvo u omladinskom radu i uključeni smo u EVS (međunarodni volonterski servis za razmjenu volontera).

Baza trenera

PRONI je oformio "Bazu trenera" i pokrenuo kurs "Osnove omladinskog rada" sa ciljem da se odgovori na potrebe lokalne zajednice za neformalno obrazovanje. "Baza trenera" obučava grupe mladih i odraslih u oblastima ljudskih prava, komunikacije, razrješenje konflikta, grupni i timski rad.

Omladinska politika

PRONI se već duže vrijeme bavi razvojem omladinske politike za Brčko distrikt u saradnji sa drugim omladinskim organizacijama, te razvojem i promocijom omladinske politike u Bijeljini.

PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004 godine.

Naša vizija:

PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravednom društvu u kome su njihove potrebe prepoznate i riješene.

Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.

PRONI-jev rad se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.

PRONI Centar za omladinski razvoj

Ul. Bosne Srebrene br. 16.
76101 Brčko
tel/fax: +387 49 217 695

Ul. Ivana Gorana Kovačića br. 5.
76000 Bijeljina
tel: +387 55 213 046

pronibrco@teol.net
www.pronibrcko.ba